



**SAMARQAND VILOYATI SPORTNI RIVOJLANTIRISH BOSH BOSHQARMASI BOSHIG'INING
BUYRUG'I**

2022-yil "19" - *avgust*

79-A/F sonli

Samarqand shahri

**Korrupsiyaga qarshi kurashish ishlarining samaradorligini oshirish
bo'yicha ichki idoraviy hujjatlarni tasdiqlash to'g'risida**

O'zbekiston Respublikasi Prezidentining "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida" 2022-yil 12-yanvardagi PQ-81-son Qaroriga ijrosini ta'vilash to'g'risidagi O'zbekiston Respublikasi Sportni rivojlantirish vazirining 2022-yil 13-iyundagi 500-A/F-sonli buyrug'i ijrosini ta'minlash maqsadida

BUYURAMAN:

1. O'zbekiston Respublikasi Sportni rivojlantirish vazirining 2022-yil 13-iyundagi 500-A/F-sonli buyrug'i rahbarlik va ijro uchun qabul qilinsin.

2. O'zbekiston Respublikasi Prezidentining 2022-yil 12-yanvardagi PQ-81-son qarori bilan tasdiqlangan "Korrupsiyaga qarshi kurashish ishlarining samaradorligini reyting baholash tartibi to'g'risida"gi nizomning 1-ilovasi 1.1.1-pozitsiyasida davlat organlarida korrupsiyaga qarshi kurashish bo'yicha quyidagi ichki idoraviy hujjatlarning mavjudligi va zaruriyatiga qarab yangilab borilishi belgilanganligi inobatga olinsin:

korrupsiyaga qarshi kurashish siyosati;

odob axloq qoidalari;

korrupsiyaviy xavf-xatarlarni baholash uslubiyati;

manfaatlar to'qnashuvini boshqarish bo'yicha nizom;

aloqa kanallari orqali korrupsiyaviy hatti-harakatlar to'g'risida kelib tushgan xabarlarni qabul qilish va ko'rib chiqish reglamenti;

xodimlarning korrupsiyaga qarshi kurashish sohasida o'qitilishini tashkil qilish bo'yicha yo'riqnoma;

kontragentlarni tekshirishga oid yo'riqnoma;

ishga qabul qilinayotgan nomzodlarni tekshirish bo'yicha yo'riqnoma;
korrupsiyaga qarshi kurashish samaradorligini monitoring va nazorat qilish
uslubiyoti;

korrupsiyaga qarshi kurashish tizimining holati haqidagi hisobotni shakllantirish va
taqdim etish reglamenti;

korrupsiyaviy hatti-harakatlar va odob-axloq qoidalarini buzish holatlari ustidan
xizmat tekshiruvlari o'tkazish bo'yicha reglament;

davlat xaridlarini o'tkazish to'g'risidagi nizom.

3. Quyidagilar:

1. Samarqand viloyati sportni rivojlantirish bosh boshqarmasi tizimida
"Korrupsiyaga qarshi kurashish bo'yicha siyosatini belgilash" 1-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarda "Korrupsiyaviy xavf-xatarlarni baholash uslubiyati" 2-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarda "Manfaatlar to'qnashuvini boshqarish" nizomi 3-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarga "Aloqa kanallari orqali korrupsiyaviy hatti-harakatlar to'g'risida kelib
tushgan xabarlarini qabul qilish va ko'rib chiqish" reglamenti 4-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlari "Xodimlarning etika va korrupsiyaga qarshi kurashish sohasida o'qitilishini
tashkil qilish" yo'riqnomasi 5-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarida "Kontragentlarni tekshirishga oid yo'riqnoma" 6-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarga "Ishga qabul qilinayotgan nomzodlarni tekshirish" yo'riqnomasi
7-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarlarda "Korrupsiyaga qarshi tartib-taomillarning samaradorligini monitoring va
nazorat qilish uslubiyati" 8-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarlarida "Korrupsiyaga qarshi kurash tizimining holati to'g'risidagi hisobotni
shakllantirish va taqdim etish" nizomi 9-ilovaga muvofiq;

Samarqand viloyati sportni rivojlantirish bosh boshqarmasi tizimidagi muassasa va
tashkilotlarda "Xodimlarning korrupsiyaviy hatti-harakatlari va
odob-ahloq qoidalarini buzish holatlari ustidan xizmat tekshiruvlari o'tkazish" reglamenti
10-ilovaga muvofiq tasdiqlansin.

4. Samarqand viloyati sportni rivojlantirish bosh boshqarmasi tizimidagi muassasalar va barcha tizim tashkilotlari rahbarlari ushbu ichki idoraviy hujjatlarga asosan o'zlarining korrupsiyaga qarshi kurashish bo'yicha ichki hujjatlarini ishlab chiqsin hamda tasdiqlasin.

5. Ish yurituvchi (E.To'ychiev)ga mazkur buyruq bilan bosh boshqarmaning tegishli xodimlarini tanishtirish, tuman (shahar) sportni rivojlantirish bo'limlari, tasarrufdagi muassasa va tashkilotlarga yuborish vazifasi yuklatilsin.

6. Mazkur buyruqning bajarilishini nazorat qilish bosh boshqarma boshlig'i o'rinbosari O.Sobirov zimmasiga yuklatilsin.

Bosh boshqarma boshlig'i



Sh. Ro'ziyev